

崑新兩縣續補合志卷二十二

雜記

續脩志仍原志從方志之體以廣見聞存故實言之
詳矣然志所未載猶有見於他書并今所見聞者補
錄之以著卷末

李後主題額在慧聚寺大殿前二樓曰經臺鐘臺淳熙中
寺焚無遺跡矣

明朝洪武六年江夏魏觀守蘇州以孟冬吉日行鄉飲酒
禮於郡學賓僕之外又特位三老人曰崑山周壽誼年
百有十六歲吳縣楊茂林文友皆九十餘歲形充神定
行坐有禮越五日周老人還崑山觀躬出婁門外再拜

崑新兩縣續補合志

卷二十一

雜記

一

以饒郡之士女觀者快焉以爲幸見太祖嘗召壽誼至
闕庭賜以酒饌復其家壽百十六歲而終今其家有世
壽堂裔孫震官至廣東參議

吾鄉布衣沈先生名璵字孟溫洪武中其家坐累謫戍雲
南之金齒宣德初歸省墳墓鄉人以其經學該博留教
子弟時幾六十目已盲終日端坐與諸生講解四書五
經章句分析疊疊不倦微辭奧義亦多發明後還雲南
所著有稽言錄崑岡文稿釋奠議太倉在勝國時崑山
州治在焉故多文學之士後因兵燹隨州西遷自設兵
衛以來軍人雜處人不知學今文學日盛固由學校作
養之功而其講說來歷實先生有以啟之也

葉文莊公爲禮部侍郎嘗欲取吾崑元末國初以來諸公文集擇其可傳者或詩或文人不出十篇名曰崑山片玉以傳命予采集之若郭翼羲仲林外野言殷奎孝章強齋集袁華子英耕學稿易恆久成泗圍集呂誠敬夫來鶴軒集朱德潤澤民存復齋稿偶桓武孟江雨軒詩林鐘仲鏞松谷集沈丙南叔白雲集馬麀公振淞南漁唱屈昉季明寓庵集王資之深瑞菊堂集鄭文康時義平橋橋之類不久余除南京吏部主事恐致遺失俱以送還今欲爲終其事而其子於父積書肩鏹甚固鄉前輩之美竟泯泯矣可勝歎哉

崑城夏氏與處州衛某指揮爲親舊指揮聞夏氏有淑女

崑新兩縣續補合志

卷二十一

雜記

二

求爲子婦數年未成後求之益力家人皆許之女之祖獨不許因會客以骨牌爲酒令祖設難成之計求婚者曰鋪牌若得天地人和四色皆全卽與成婚一拈而四色不爽眾驚異遂許之太倉曹用文查用純素交善適其妾各有娠一日會飲戲以骰子爲卜云使吾二人一擲而六子紅必一男一女必爲婚姻一擲而得渾純後果查生男曹生女查以子贅曹爲壻云此二事相類而甚奇蓋非偶然也

處士周恭寅之嘗擬杜少陵作八哀詩以哀邑人之賢者
盧兗州熊殷教諭奎呂沁州昭王廉憲英葉文莊盛張
副使和孫刑部瓊朱評事萱也前七人已具載志中惟

評事蚤世其行業無所於考然文莊公嘗誌其墓稱其
恭謹端實居官敏而有守詩歌筆札皆有師法則亦可
以知其概云

高麗國進陰陽柏兩株高纔二三尺高宗以賜王絢絢種
於永懷寺殿庭左右後柏與殿齊每歲左花則右實右
花則左實

南京吏部尚書王華卒有司馬奏請恤典華子守仁以書
干毛文簡公欲求易名之典公答書頗摘華科場陰事
守仁大慙恨復公書云守仁聞之君辱臣死親猶君也
執事辱先君至此守仁可以死矣前輩剛正不阿如此
毛文簡公澄少時夜讀母夫人遣婢餽以小食不肯啟門

崑新兩縣續補合志

卷二十一

雜記

三

兄洪自往門乃啟平居盛暑不裸露上所賜金幣悉散
之三鄰既貴之後室無媵侍

吳之玠昆岫遺聞云教諭楊華一日偶過城西見遺骸滿
地命從人收貯以布囊盛之仍以棺斂葬於山麓并樹
碣識之今石刻存焉

范文穆公讀書薦嚴寺十年不出取唐人只在此山中之
句自號此山居士今寺左有范公亭老桂扶疎相傳文
穆手植晚寓治平寺號石湖居士史稱吳郡人以此
張和父用理世居淞南之石浦課子甚嚴時同邑張經華
亭陳文璧吉水殷鳳岐文行爲後學所宗用理令子和
穆种師事之卒皆知名

姜昂知棗強日縣故多盜昂治以清簡嘗經月不撻一人而盜亦解散後昂報最入都塗遇盜盜魁見其銜叱偵事者曰棗強清官奈何犯之羅拜而去

鄧尉山中峰東北向居人相傳地名黃墳蓋宋刑部尚書黃狀元繇墓也贈工部尚書崑山王永和夫人卒得葬地于此勅營墓也黃氏古物可見者一石人半身裳衣之制儼然今壘石牆下瑩牆石窗一方雕刻極工緻今在王氏庵中墳下石甃小河亦極齊整今于淤泥中疏通流

山陰花溪蔣貴達老先生顯司訓崑庠質實敢言一日郡守況侯鍾行部侯嚴不可近先生遽進告曰頃見郡中

崑新兩縣續補合志

卷二十一

雜記

四

新刻忠經大非是馬融何如人其言何可經也眾爲之驚慄侯待之殊從容徐曰偶見此本改則未敢耳

崑山郊廛正夫顯於宋熙寧元祐閒事具玉峰志中吳紀聞等書近見南海志載正夫脩東城記一首正夫著述甚多袁子英猶及見其寄太倉隆福寺妙觀師詩百韻今皆不復可見矣

衣和庵主蘇州崑山人也隱居雪竇之棲雲畜二虎恆跨之以遊徙二靈終焉初雪竇妙高峰左千丈巖巔有藤一枝蜿蜒其上下臨不測乃蟠結成龕爲藏脩之所故號棲雲大德丁未燬於盜更二十年不克復虎乳其墟爲民害咸謂庵復而和祠則虎禍其息至元丙子復其

庵肖其像于是二虎前伏餐慈飲和屈猛從仁不爲害
和師在日有四偈詠藤龕偈云竹筧兩三升野水窗前
五七片閒雲老僧活計只如此留與人閒作見聞十方
世界目前寬拋卻雲庵過別山三事衲衣穿處補一枝
藜杖伴身閒黃皮裹骨一常僧壞衲蒙頭萬慮澄年老
懶能頻對客披蘿又上一峻嶒自從南嶽來雪竇二十
餘年不下山兩處住庵身已老更尋幽谷養衰殘此出
奉化志節之自浙錄寄廣中云

范石湖爲李結記濬塘浦云浦有五曰新洋江曰小虞曰
茜涇曰下張曰顧浦塘有三曰郭澤曰七丫曰至和又
崑山水利序大概有二曰作堤曰疏水小概有一曰種

崑新兩縣續補合志

卷二十一

雜記

五

菱王荆公送人宰吳江曰當知耕牧地往往菱浦青三
江斷其二泔水何繇寧皆吾東南人所不可不知者
文莊葉公巡撫兩廣時素與丘內翰仲深不合丘每投閒
毀之庚辰進士廣西張某嘗短葉於丘丘因爲先容進
謁李文達言賊至城下葉猶詠詩不輟且殺無辜之民
爲功文達素知葉公默識而已蓋張某歸省時葉嘗知
其不檢疎之由是致怨丘素知文事非文達所長且復
護短乃謂葉笑其詩文不佳李公銜之也日錦衣呂揮
貴湯都指揮胤績盛稱葉公學問文章之美且云置之
內閣於先生無忝文達憮然曰與中笑我乃爲入閣地
耶及大藤峽用兵敕韓公雍書有云往者葉某虛張捷

報致賊猖獗蓋張某先入之言至是始發也葉公後因言官之薦僅以右僉遷左僉而已文達沒後始得入禮部云

東里楊先生嘗見崑山屈昉送行詩有佳句默識其名一日知崑山縣羅永年以事上京投謁東里問崑山有屈昉何如人永年茫然無以對東里云士人尚不知邪永年漸赧而退及還任乃求昉識之未幾有詔舉經明行脩之士永年乃以昉應詔除南海縣丞卒官前輩留心人物如此

崑山五保張某兄弟業瘍醫凡求療者必之弟而不之兄由是弟曰饒兄曰凋落兄妬之欲俟其出將甘心焉一

日買舟入城兄預匿舟中行至新洋江忽起摔其弟舟人懼急榜舟就岸得逸去將訟縣有父老曰彼無天理而害汝今計不行是有天理也若訟之且將拘繫證佐必貽害汝舟人不如且止從之未幾兄一夕睡至旦目不能開竟成瞽疾而死於貧人以爲不道所致云

夏景與上元張益同中進士同以文名同善畫竹其後景見益石渠閣賦自謂不如遂不復作賦益見景所畫竹

石絕倫亦遂不復畫竹

曝書亭集
王紱傳

俞仲蔚於書不滿懷素於古人不滿郭有道於今詩不滿李于鱗其風尚可想見矣吳中英嘗以其詩示都進士元敬進士曰崑山蓋有三絕仲蔚詩熙甫文張子寶舉

業又何所用吾手哉

中吳紀聞六卷每卷首題云崑山龔明之前有明之淳熙元年自序後有至正二十五年吾崑盧公武記得書來歷及校正增補大略且云非區區留意郡志此書將泯沒而無聞矣弘治初崑令楊子器翻刻印行攷之宣德崑山志不載此人近檢公武蘇州府志具明之孝行甚詳蓋公武之志人物閒有略其邑里者崑山志孝友類載馬友直周津曹椿年皆本之郡志而明之獨遺之其以是歟

前輩詩文稿不愜意者多不存獨於墓誌表碣之類皆存之者蓋有意焉景泰甲戌進士薊州錢源其先崑山人

崑新兩縣續補合志

卷二十一

雜記

七

嘗以公差過崑訪求其祖墓父老無能知者居數日沈通理檢家藏前人墓誌得洪武七年邑人盧熊所爲錢瑞妻章氏墓誌始知其祖墓在今儒學之後而表封之於是知葬埋之不可無誌而誌葬者世系墓地尤不可以不詳也士大夫得親戚故舊墓文必收藏之而不使之廢棄亦厚德之一端也源本沙頭郁氏子郁與錢世連姻錢無子郁以一子爲其後後成薊州郁今爲醫官錢氏則已絕矣

崑山呂寅叔家貧授徒爲養平居無故不出門戶每歲春秋祀先師必半夜預詣學隨班行禮禮畢輒去不令縣官知予在崑學數年見其始終如此雖陰雨不爽也可

謂篤厚君子矣

張倬山陰人景泰初爲崑山學訓年未三十以聰敏聞典史姜某體肥嘗戲張云二十三歲小先生倬應云四五百斤肥典史有瓊僧會者嘗對客云儒教雖正不如佛學之博如僧人多能讀儒書儒人不能通釋典是也本朝能通釋典者宋景濂一人而已倬云譬如飲食人可食者狗亦可食之狗可食者人決不可食之矣此雖一時戲言亦自可取

方太常鵬三虎記吳澤國也予家吳淞之上四望皆水無崇崗深谷無灌木茂草可以容虎故無虎患然予耳目所及虎三至矣宏治己未十月先君遣蒼頭操小舟載

吾親丈姚君渡江方將登岸虎坐萑葦間跳躍而至蒼頭墮水以善泅不死姚君仰卧舟中虎以右足躡舷舷斷左足陷泥淖中不能出風起水湧舟蕩漾至江中流幸免於難然兩人皆卧病久之幾不起正德丁卯四月虎復至農人胡山遇之嚼其項而死狂夫某率眾往焉傷其膝死而復甦後二虎皆斃於某手嘉靖戊戌七月虎復至晝伏夜出足跡遍歷後寂無聞里人曰傷哉虎至歲必禳或曰虎至有登第者或又曰非真虎也盜之劇者以木刻虎爪跡夜印墟落土人以爲真虎懼不敢出乃冒虎盜人室無不如志不然何見其跡不見其形耶予曰或真或僞或祥或不祥俱未暇論但當誠約警

守之耳嘗讀金山衛志海有巨魚貌絕類虎能登岸變而爲虎皆浮江而來安知虎非魚變耶嗟乎魚相忘於海天下之至樂也無所侮於人人亦不得而侮之不幸變而爲虎則未免有繫其欲逐逐焉人始畏惡之搏執之以喪其形求昔爲魚之樂復可得哉亦爲不善變矣士大夫而易志者宜鑒於斯

葉文莊公將之兩廣過別其友鄭進士時又適書生求見入門而坐公正色曰少年不待長者命乃遽坐耶吳中風俗壞矣書生起謝曰家父薄宦于廣求坵書耳公曰都御史爲人作置郵邪書生慚懼而退又一日鄭與客戲博文莊過而見之攢眉曰如此長日不讀書講學何

崑新兩縣續補合志

卷二十一

雜記

九

暇爲此命左右取博具悉投之水而去

方矯亭集

大參陸公容少美丰恣天順三年應試南京館人女善吹簫夜奔公公辭以疾與期後夜女去作詩云風清月白夜窗虛有女來窺笑讀書欲把琴心通一語十年前已薄相如遲明託故去領鄉薦年二十四

顧封翁恂年五十生鼎臣幼盡孝稍長撰一表文每夜焚香祝天願減已算增親壽一夕夢黃鶴飛從天來近視卽焚表也未批云鼎臣減算益親出於至誠父延二紀鼎臣狀元及第后恂果臻上壽鼎臣登第猶及見之

以上

格天集

邑人梁辰魚字伯龍以例貢爲太學生好學善度曲同時

有魏良輔字尚泉太倉之南關外人萬歷中弋陽腔散
佚乃創爲南北曲十年不下樓著曲律二十則惟伯龍
獨得其傳著有江東白苧浣紗諸曲梨園子弟喜歌之
伯龍嘗挾其技游吳楚間欲北走邊塞南極滇雲盡覽
天下名勝不果而卒然崑腔之名由是著聞海內矣吳
梅邨詩云里人度曲魏良輔高土墳詞梁伯龍顧國珍稿
張元長錄先賢遺像謂新安王民輝屬某寫先賢遺像一
冊事在萬歷癸巳甲午閒積以歲月頗煩搜討而民輝
之筆又多得之清風朗日人跡罕到之時往往神來且
諸生韻得五十餘幅雖隱顯殊途各就所立而吾鄉之
操行文章大略可覩矣故嘗裝潢成冊瞻拜以時間與

崑新兩縣續補合志

卷二十一

雜記

十

後來之秀焚香展玩追述前美蓋草堂中勝事也亡何
竟失所在但使得者知重不供酒家之覆壁上之觀某
亦何悔當民輝染素時嘗覓王理之像于夏氏夏氏子
云昔吾先君龍衢公夢葉文莊顧文康諸大老與理之
同堂列坐心異之故嘗識之於歷此豈今日之徵耶取
示宛然共相嗟異甚愧慢藏流落他手當必有傳寶之
者先賢在天之靈肯容凡夫褻視也哉偶與季宏談追
錄畫像姓氏以俟豐城兩龍庶幾合焉

宋司馬溫國文正公	光君實
歐陽文忠公	脩永叔
蘇文忠公	軾子瞻
雍國虞忠肅公	允彬甫
殿中侍御史龔先生	猗遇仙
明兗州知州盧先生	熊公武

明經淳靖顧先生
孝廉陳先生

夢川 禹祥
時

夏烈愍公難中家書書曰自初九離建昌繇宜黃歷撫州而抵江省日行百里少則五十里賤辱苦楚不可勝言屢欲投河因念祖母尚在倚傍無我不敢卽死至二十日方入省凡鄉老士民無不相向慟哭今每日擁門具保鐵石方有轉念想可以不死矣二十四日傳到來信始知尚存一二至於死者可哀而擄者更可哀此時已必赴死萬萬無生理不如竟言一死可也最痛心者大媳母子四人俱入黃泉此吾一家終天之恨也祖母幸無恙須多方服事保骸骨以歸庶幾我爲不孝之人未至爲不孝之鬼我死亦瞑目耳所遺孤孫速宜出疆以

崑新兩縣續補合志

卷二十一

雜記

十二

圖存活此番慘禍皆因各不相和開口便云死在一處不肯早行以致如此斷不可再誤也爲今之計須覓良善人家求片席隱僻之處苟

下脫六七字

以示其所止

我一出牢籠便星飛圖一見矣燒化骸骨應寄之庵廟中後日必要收回也我身無再立人世之理祖母既有汝在我亦可以死矣後之事已託南昌廩生魏狀熙楊元春鄭良玉鄭人俊等收拾骸骨諸生從無一面每日必來安慰幾次朏朏懇懇雖親子弟亦不過是今彼眾亦見人心愛戴聞有寬我之意若過中秋不發起解便可得命然我所處在今日只有母親難割不然從容就義以全名節亦我本分內事我不畏也吾兒宜從太外

祖之姓以待時清切不可謂父子難割再來看我恐有不測之禍也祖父小像及太卿小像俱遺失速應臨摹幾幅以垂示後人太卿像則葉白老有冊頁可求彷彿也所遺孤孫吾兒應撫爲己子勿以猶子待之仍應速娶一二侍妾以圖後毓我生汝亦在三十一歲命數如此雖哀痛不得不排遣矣我若出網當卽爲諸死者立一亭於死所我亦有成算也天氣向寒衣被俱無不知現存幾人須覓極破之被極舊之衣爲之吐棄者方可免患聞爾日五路發兵云勦土寇行路不可輕忽也至囑至囑奴子有存者亦宜散處或爲負販或扮莊農不可聚一處礙人耳目并囑并囑我在此中士民相愛俱

如骨肉生死皆可無慮致意祖母不必挂念四叔亦苦極矣歸家當圖有以報之元春楊兄我卽日欲遣到建昌與汝結爲兄弟託寄之事或可相商倚仗耳外寄盤費卽南昌所惠望驗入節省用之

廿五日午刻石愚字

此字凡我至親戚咸使見之亦可爲後事地也

又

吾已從容赴死一生之事畢矣如有存者須延我一脈切不可絕我後也并勿明言驚我老母使得收骸骨以歸我死亦瞑目矣

乙酉七月廿七日戌刻書後附十四字

忠國家不顧性命

慈百姓并捐妻子

坦齋徐公五世祖爲交河主簿虞山尙書嚴公訥聘之入都爲西席時萬歷某年江南大水民不堪命公曰是必改折庶全其生主人大司農職也因代爲繕疏拜天而後筆之嚴公訝其誠許爲拜疏得請全活者無算嚴卽大拜東海子孫在先朝卽翰院相繼則有鳳池公念脩公領鄉薦者比比本朝則健庵立齋果亭同胞三鼎甲從古未有也接武而起者藝初章仲皆登甲榜師魯敬思皆乙榜後皆甲榜復有觀卿乙未進士入翰林又五子登科立齋子實君道積皆乙榜後道積亦登甲榜科第之盛甲於海內天之報施善人謂非厚乎

崑新兩縣續補合志

卷二十一

雜記

十四

葉文莊公宅爲先朝廟所賜蓋文莊立朝曾不以第宅爲念當宁廉知其所居湫隘發內帑差內官監造先構後堂以及其餘奈文莊公與內官毫無款洽一茶之外漠若路人內臣怏怏而去不竟其局子孫每以經營未成爲恨殊不知經營雖成覆庇有限曷若完品行崇氣誼矯矯風節子孫之賴其幘幘尤悠久堅固哉

晴原先生李公西門舊居湫隘甚發甲後易東門大宅而夫人已前卒眾議卽殯於墓公曰吾夫婦早年守困此地今吾易屋而夫人不得一至吾不忍乃迎其柩中堂開弔而後葬之因自述敝牀中一敗席久而後易之甫易公卽至館解館歸席猶新怪之夫人曰吾向不用而

藏之耳其節儉類如此吾烏能不重念哉

曹元徵者邑老諸生一日偕友至西河拾珠一囊明日守以還其人邑中稱其長者時元徵子尚幼未幾鼎革元徵物故子漸長字綠野能文多才幹入北雍以法家知名歲得脩金三百金人以爲還珠之報

先朝三百年吾崑賢令必曰聶樊善政不可勝載聶之在任也其自奉日水腐四塊買辦者以其清苦過屬店中倍其料聶見之曰焉用此厚腐減半足矣樊之去任也百姓攀留不肯別樊謂之曰爾歸去完錢糧做好人教子孫耕田讀書噫眞民之父母哉

夏駕河爲三江入海故道沿袤二十四里兩岸田幾萬頃

崑新兩縣續補合志

卷二十一

雜記

十五

自太倉劉家河湮塞此河亦遂如平地崇禎之季頻歲大旱百姓告飢莫可奔籲邑宰滇南楊公特議開濬而難其人於是共推以發朱公又推孫公霜奇張公履祥以自輔方半載而告竣非明敏至公曷能奏功乃五月工畢七月卽遭鼎革四五十年來無旱澇無荒歉衣租食稅伊誰之惠歟筆之以示後人

香城葉公爲山東濟寧道時崇禎十四年百姓以奇荒倡亂疏富民三十餘人姓名投署內云卽日舉事造反時張公玉筍爲總河署內亦如之玉筍公躊躇莫決香城公潛訪三十餘人者皆良善特奸民慕之耳力保無事由是保全余在學亭署中有老諸生述香城公善政亦

以此事爲首

鼎革時亂兵擄婦女無算又被擄在大西門頓丘堂中者有一女同係亂兵廣軒八仙桌將此女淫污其女自投數四誓死不從初時以其貌美不忍卽殺女自誓益堅因斫三四刀而死噫烈矣惜不知其姓氏

城破時有李枝森者同母及妻董氏出避兵三歲孩付僕阿五抱隨遇兵枝森及董斫死母以老得免將殺孩五跪懇曰主人皆死寧殺我毋傷幼主兵卽斫五死是七月初六日事也後兵退老母孤居一室十二日黃昏時聞叩門聲啟之見一人抱三歲孩至甫入門卽不見問誰抱汝來孩曰五五一點忠誠出諸至性氣能攝形洵

崑新兩縣續補合志

卷二十一

雜記

十六

哉

以上陶甕齋
茅檐雜話

去星溪東北五里曰古塘卽顧仲瑛柳塘春其地多栽楊柳郭翼詩陰陰覆地十餘畝嫋嫋迴塘二月風雨過鷗眠沙色裏花飛鶯亂水聲中又郊韶詩美人遠在春塘住門外垂楊千萬樹微風白日裊柳絲渡水輕盈蕩飛絮使君來自白玉堂攀條欲結雙明璫門前偶繫驂騮馬堂上急管調清商美人起舞爲君壽再拜登歌酌君酒使君明日上長安莫唱春風折楊柳

玉山草堂寒翠石本維揚王忠玉家快哉亭舊物上有東坡題識觴詠之語至元戊寅四月仲瑛得之於城東尼庵庵卽周太尉宅斷垣之外石欹卧於高梧之下仲瑛

以粟易歸立諸中庭明年奎章閣鑿書博士丹邱柯敬仲見而奇之再拜而去瑛遂砌石爲壇及御史白野達兼善來觀嘉柯之逸爲作古篆拜石二字又隸寒翠以美其名仲瑛自爲記并詩好事久傷無米顛清泉白石亦淒然快哉亭下坡仙友拜到丹邱三百年

仲瑛玉山草堂中亭館凡二十有四其扁額題卷皆名公鉅卿高人韻士口詠手書以贈仲瑛者仲瑛寶愛甚於古玩至正十三年癸巳泰州張士誠兵起騷擾三吳丙申正月兵入草堂書畫皆長物二月張士誠兵入平江四月軍士數百持戈突來索仲瑛甚急時仲瑛尙避難舟中由是獲免及歸草堂而諸卷皆已爲取去一日通

守馮秉中下車過訪謂仲瑛曰君家詩卷向爲軍士取去予知君好事皆爲君取得之明當奉還不數日囊貯七十餘卷以歸草堂檢點諸亭館卷中唯柳塘絳雪綠波三卷不在仲瑛與袁子英馬孟昭分補之仲瑛并記其得失之時曰云

李大昌其先爲閩人父謨元進士至正中來官於蘇明興吳與閩阻絕不能歸寄居寒山寺有首陽薇蕨無從采分作寒山一餓夫之句謨卒後大昌教授生徒徙居眞義傳其柳塘二絕句可比永豐態復嬌風前常舞小蠻腰我來不是閒憑弔愛此春光在柳條船泊菰蒲野水清芒屨竹杖布袍輕東風拂拂千株柳不見題詩顧阿

瑛

平樂村積慶庵宋淳熙年建有山茶樹大可合抱古枝虬
幹葉密花繁爲邑中名勝花時買舟過訪者絡繹而至
明朱文靖公天麟有過平樂村山茶正開詩升平樂事
竟何常是處兵戈亦可傷底事孤村花發候畫船來往
似山塘可想見往時看花之盛予童時隨先君子亦嘗
一至花開如紅繖其下可布數席其旁清池怪石古梅
修竹頗極幽雅想從前亦是園林勝地而今不可攷矣
先君子平樂村泛舟詩句日重移棹來遊景不同水添

半篙錄花放一村紅古刹傳名久羣賢得句工

梅崖半亭俱有

作園林興廢事未可問漁翁

崑新兩縣續補合志

卷二十一

雜記

十八

眞義東北六里地名高墟高三丈餘四圍百步俗稱黃泥
山上有大石喬松古柏相傳唐高力士葬此宋人黃由
詩不識力士名焉知宦者墓長門恩眷深興亡不相顧
玉環死馬嵬幸蜀嗟中露試問何時歸脫亡如狡兔空
葬等山陵四圍列古樹寒風撼泥沙漁樵聲幾度明周
恭詩野田禾黍正油油蔓草寒煙暗古邱湖水北來秋
自潤縣山東下晚將浮未斜烏帽身先醉欲插黃花鬢
已羞地下果埋高力士玉環妖骨是誰收

黃泥山又謂之太平山正月三日遊人甚眾謂之登太平
本朝閨秀何婉哥有正月三日登太平山卽事二絕句
處處相攜登太平新正三日恰清明誰家姊妹俱年少

一隊紅裙陌上行春水船俱繫綠灣紛紛此際待躋攀
老翁扶杖溪邊立笑看遊人不上山

魏恭簡公講堂在星溪者已存廢址其專祠春秋致祭在
崑山城中今亦僅存破屋一椽爲流丐匪徒所聚鄰人
具呈邑尊飭令驅遂并查明的派子孫身家富厚者著
令脩葺看管而其子孫互相諉卸甚至營求開釋忍不
認其祖宗予爲賦一詩云瞻仰容儀廟貌在一間破屋
久無門流芳已是堪千古何必他年有子孫

孫紹周字從甫號樂川居真義之黃潭里弱冠補博士弟
子員研究性理丰神雋朗某御史行縣以鷲擊自喜紹
周於視學時岸立大聲講誦論語孟氏使陽膚章御史

崑新兩縣續補合志

卷二十一

雜記

十九

霽色以聽歲貢入太學中萬歷壬午順天舉人嘗春日
遊近村有農家雜花盛開樂川留連移晷農家留飲大
醉而歸明日製詩二章手書以謝農家得詩大喜裝潢
之每歲花開張之堂上置酒以召親戚鄰里一時傳爲

佳話

以上星
湄詩話

崑新兩縣續補合志卷二十一